



Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 196 (12.257)

Баҳоси эркин нарҳда

ҲАМКОРЛИКНИНГ ЯНГИ УФҚЛАРИ

Аввал хабар қилинганидек, Ўзбекистон Республикаси Президенти Ислон Каримов Корея Республикаси Президенти Ли Мён Бакнинг таклифига биноан 19-21 сентябрь кунлари давлат ташрифи билан ушбу мамлакатда бўлди.

Ўзбекистон Президентига юксак ҳурмат ифодаси сифатида, Ислон Каримовнинг буюк етакчилиги фазилатлари ва Ўзбекистон — Жанубий Корея муносабатларини ривожлантириш ва мустақамлаш ишига қўшган улкан ҳиссасининг эътирофи сифатида Жанубий Корея раҳбарининг ташаббуси билан ушбу ташрифта яна давлат ташрифи мақоми берилди.

Икки мамлакат давлат мадҳиялари ижро этилиши ва фахрий қоровул ротаси томонидан олий мартабали меҳмонга юксак ҳарбий эътиром қўрсатиш каби таомилларни кўзда тутувчи расмий кутиби олиш маросимидан сўнг Ислон Каримов ва Ли Мён Бак ўртасида музокаралар бўлиб ўтди.

Корея Республикаси Президенти Ли Мён Бак Президент Ислон Каримов билан яна учрашиб турганидан гоят мамнун эканини, улар ўртасидаги муносабатлар ўзаро дўстлик ва ишончга асосланганлигини таъкидлади. Корея раҳбари мазкур ташриф Ўзбекистон ва Корея Республикаси ўртасида дипломатик муносабатлар ўрнатилганининг 20 йиллиги нишонланаётган йилда амалга оширилаётгани унинг аҳамиятини янада оширишини алоҳида қайд этди.

Халқларимиз азалдан савдо ва ҳар томонлама гуманитар алоқалар ўрнатган, ўзаро билим ва таъриб алмашган, бир-бирини маданий ва маънавий жиҳатдан бойитиб келган. Меҳнатсеварлик, катталарга ҳурмат ва оилавий қадриятларни эъзозлаш, меҳмондўстлик, очикқўнғиллик каби қўллаб-қувватлаш ўзбек ва корей халқларига бирдек хос бўлиб, уларни бир-бирига яқинлаштиради. Бир пайтлар ўзбек халқи тақдир тақозоси билан юртимизга келиб қолган ўн минглаб корейсларга меҳр-оқибат ва олийҳимматлик билан бошпана берганини корей халқи ҳеч қачон унутмайди. Айни вақтда кўп миллатли Ўзбекистон халқининг ажралмас қисмига айланган мазкур миллат вакиллари юртимизга келганининг 75 йиллиги кенг нишонланмоқда.

Бугунги кунда изчил мулоқотлар ва муштарак интилишлар туфайли давлатларимиз ўртасида очиклик, ўзаро ҳурмат ва ишонч, яқин стратегик ҳамкорликка асосланган муносабатлар қарор топган ва бу алоқалар кундан-кунга янги амалий мазмун билан бойиб бормоқда.

Мамлакатларимиз раҳбарлари очиклик ва ошқоралик руҳида фикр алмашдилар ва ўзаро муносабатларни, турли соҳалардаги амалий ҳамкорликни янада ривожлантиришга доир кенг қўламли масалалар, шунингдек, томонларни қизиқтирган халқаро ва минтақавий аҳамиятга эга долзарб муаммолар юзасидан томонларнинг қарашлари ўхшаш эканини тасдиқладилар.

Президент Ислон Каримовнинг мазкур ташрифи мунтазамлик касб этган олий даражадаги мулоқотларнинг мантиқий давоми бўлди, томонларнинг ўзаро муносабатларининг барча соҳаларидаги амалий ҳамкорликка янги суръат бахш этишга бўлган муштарак интилишини яққол намоён этди.

Томонлар Ўзбекистон ва Корея ўртасидаги сиёсий, савдо-иқтисодий, сармоявий, маданий-гуманитар соҳаларда қарор топган ва 2006 йилда имзоланган Стратегик ҳамкорлик тўғрисидаги қўша декларация руҳида изчил кенгайиб ва янги мазмун билан бойиб бораётган ҳамкорликнинг бугунги ҳолатига юксак баҳо бердилар.

Ўзбекистонда Корея Республикасига жадал ривожланаётган, улкан иқтисодий, индустриал-техник ва интеллектуал салоҳиятга эга, глобал мо-

лиявий инқироз шароитида илғор инновацион технологияларни кенг жорий қилиш ва амалиётга фаол татбиқ этиш асосида барқарор ўсиш суръатларини намоён қилаётган замонавий давлат сифатида қаралади.

Корея Республикаси Ўзбекистоннинг узоқ муддатли, ишончли ва вақт синовидан ўтган стратегик шериги бўлиб, мамлакатларимиз ўртасида мустақам, тизимли ва ўзаро манфаатли ҳамкорлик қарор топган.

Сиёсий соҳада давлатлараро ва ҳукуматлараро даражада фаол ҳамкорлик йўлга қўйилган, иқтисодиёт ва тижорат тузилмалари, банклар, компаниялар ўртасида ҳам изчил ҳамкорлик амалга оширилмоқда. 2011 йилда ўзаро товар айирбошлаш ҳажми 1,6 миллиард АҚШ долларидан ошди, жорий йилнинг биринчи ярмида бу кўрсаткич қарийб 50 фоиз ўсди. Мамлакатларимиз ўртасидаги муносабатларнинг шартномавий-ҳуқуқий асосини ташкил этувчи 230 дан зиёд ҳужжат имзоланган.

Ўзбекистон Республикаси ва Корея Республикаси Президентларининг музокаралари якуни бўйича томонларнинг ўзаро манфаатли соҳаларда икки мамлакат халқларининг тўб ва узоқ муддатли манфаатларига хизмат қилувчи ҳамкорликни истиқболда ҳам ривожлантириш мақсади тасдиқланган Қўша баёнот имзоланди.

Президентлар Ислон Каримов ва Ли Мён Бак ҳуқуқий соҳада, сайёҳлик ва молия йўналишларида ҳамкорлик бўйича қатор ҳужжатлар имзоланганидан, шунингдек, қиймати 5 миллиард АҚШ долларидан зиёд бўлган ва бунда Кореянинг тўғридан-тўғри инвестициялари ҳажми 3 миллиард доллардан ортиқ ташкил қилувчи шартномалар тузилганидан мамнуният изҳор қилдилар.

Мазкур лойиҳаларда «Навоий» эркин индустриал-иқтисодий зонасини, Навоий шаҳри аэропорти базасидаги халқаро интермодал логистика маркази ва «Ангрен» эркин индустриал зонасини янада ривожлантириш кўзда тутилган.

Қабул қилинган ҳужжатлар ўзаро ҳамкорликнинг машинасозлик, энергетика, энгил саноат, фармацевтика, фойдали қазилмаларни қазиб олиш ва қайта ишлаш, нефть-кимё, электроника маҳсулотлари ҳамда қурилиш материаллари ишлаб чиқариш каби соҳаларини ҳам қамраб олган. Бу билан мамлакатларимиз стратегик ҳамкорлигининг асоси янада мустақамланмоқда ва ўзаро муносабатларни сифат жиҳатдан янги босқичга кўтариш имконияти яратилмоқда.

Корея Республикаси Президенти дунёда беқарор молиявий-иқтисодий аҳвол давом этаётган шароитда Ўзбекистон Республикасининг мувозанатли ва барқарор ривожланаётганини юқори баҳолади.

Шунингдек, томонлар Ўзбекистонда Корея Эксимбанкнинг Иқтисодий ҳамкорлик жамғармаси (ЕДСФ) линияси бўйича таълим, соғлиқни сақлаш, ахборот технологиялари, энергия таъминоти, қишлоқ хўжалиги ва экология каби соҳаларда ижтимоий аҳамиятга эга лойиҳаларни амалга оширишда молиявий-техник ёрдам бериш бўйича ўзаро манфаатли инвестицион ҳамкорликни давом эттиришга келишиб олди.

Маданий-гуманитар алоқаларни мустақамлаш ҳамкорлигининг муҳим йўналишларидандир. Таълим, фан, спорт, тиббиёт ва сайёҳлик соҳасида ўзаро самарали ҳамкорлик давом этмоқда, талабалар, ўқитувчилар ва мутахассислар алмашиш фойдаланмоқда.

Ташриф доирасида Президент Ислон Каримов Корея Республикаси Миллий Ассамблеяси Спикери Кан Чхан Хи билан учрашди. Мамлакатларимизда амалга оширилаётган парламент ислохотлари ҳақида фикр алмашилди, ўзаро савдо-иқтисодий ва инвестицион ҳамкорлиқни кенгайтиришдан томонлар манфаатдор эканлиги таъкидланди.

Президент Ислон Каримов ва Спикер Кан Чхан Хи олий даражадаги стратегик ҳамкорлиқни қўллаб-қувватлаш борасида икки мамлакат парламентларининг фаолиятига юксак баҳо берди. Томонлар парламентлараро ҳамкорлиқни чуқурлаштириш, икки мамлакатнинг парламент тузилмалари ўртасида алоқаларни, ахборот ва таъриб алмашишни кенгайтириш лозимлигини қайд этди.

Президент Ислон Каримов Корея Республикаси Бош вазири Ким Хван Сик билан ҳам учрашди.

Ислон Каримов ўзаро ҳамкорлиқни ривожлантириш Ўзбекистон билан Корея ўртасидаги кўп қиррали иқтисодий ҳамкорлиқни мустақамлашнинг муҳим омил эканини ва иқтисодиётларимиз бир-бири билан рақобатлашмаслигини, аксинча, турли йўналишларда бир-бирини тўлдириб бораётганини таъкидлади.

Ўзбекистон Республикаси Президенти ва Корея Республикаси Бош вазири икки томонлама савдо-иқтисодий ҳамкорлик жадал ривожланаётганини юксак баҳолади. Бугунги кунда Ўзбекистонда 400 дан зиёд қўшма корхона, жумладан, юз фоиз Корея капитали иштирокида 64 корхона ташкил этилган. Кореялик бизнес вакилларининг фаол иштироки натижасида мамлакатимизда қатор стратегик лойиҳалар амалга оширилмоқда, хусусан, «Сурғил» қони негизда қиймати 4 миллиард долларлик Устюрт газ-кимё комплекси ва Навоий шаҳрида интермодал логистика мажмуи барпо этилмоқда.

Ислон Каримов ва Ким Хван Сик мамлакатларимиз ўртасида барча йўналишлар бўйича ўзаро ҳамкорлик қўламини кенгайтиришга икки томон ҳам доимо тайёр эканини билдирди.

Ташриф асносида Президент Ислон Каримов Корея Республикаси давлат бошқаруви ва хавфсизлиги вазири Менг Хюнг Кю, «ПОСКО» компаниялари гуруҳи президенти Чунг Жунг Янг, «Ханжин групп» ва «Корейн эйр» компаниялари раиси Чо Янг Хо билан ҳам учрашди. Учрашуларда савдо-иқтисодий ҳам корлиқни янада кенгайтириш, Кореянинг етакчи компанияларини янги минерал хом ашё қонлирига ишлов бериш, транспорт, логистика ва ахборот технологиялари соҳасига оид лойиҳаларга жалб этиш масалалари атрофича муҳокама этилди.

Ўзбекистон Республикаси Президентининг Корея Республикасига давлат ташрифи Ўзбекистон билан Корея муносабатлари тарихида янги саҳифа очди.

Учрашулар чоғида эришилган келишулар ва имзоланган ҳужжатлар икки мамлакат халқларининг узоқ муддатли манфаатларига тўлиқ жавоб бериши ва ҳамкорлиқнинг мавжуд бой салоҳиятини самарали амалга оширишга хизмат қилиши таъкидланди. Томонлар стратегик шериклиқни фаоллаштириш, сиёсий мулоқотни кенгайтириш ва барча соҳалардаги муносабатларни ўзаро манфаатли асосда чуқурлаштиришга тайёр эканини яна бир бор намоён этди.

Анвар БОБОЕВ,
ЎЗА махсус муҳбири.
Тошкент — Сеул — Тошкент



● Тошкентда Ўзбекистон Автомобиль ва дарё транспорти агентлиги томонидан матбуот анжумани ташкил этилди. Унда Вазирлар Маҳкамасининг 2012 йил 4 июлдаги қарори билан тасдиқланган Автотранспорт воситалари конструкциясининг фойдаланиш шароитлари бўйича хавфсизлиги тўғрисидаги умумий техник регламентнинг мазмун-моҳияти ва ундан келиб чиқадиган талаблар ҳақида батафсил маълумот берилди.

● Самарқанд шаҳридаги «SOS Болалар маҳалласи»да «Болалар ва оилаларнинг фаровонлиги ҳамда турмуш шароитини яхшилаш» лойиҳасини амалга ошириш бошлангичи муносабати билан расмий очилиш маросими ўтказилди. Унда лойиҳа ижрочилари ва ҳамкорлари, давлат ва нодавлат ташкилотлари вакиллари иштирок этди. Ўзбекистон «SOS Болалар маҳаллалари» уюшмасининг Германия иқтисодий ҳамкорлиқ ва ривожланиш федерал вазирлиги (BMZ) ҳамда Герман Гмайнер жамғармаси (SOS-Kinderdorf Weltweit) томонидан молиялаштирилаётган мазкур лойиҳа ҳам ижтимоий ҳимояга муҳтож оилаларнинг фаровонлигини ошириш ва болаларга васийлик қилиш ишларини яхшилаш, уларнинг соғлом ва баркамол бўлиб ўсиши учун зарур шарт-шароит яратишга қаратилган.

● Сирдарё вилояти ҳокимлиги ҳузуридаги воғга етмаганлар ишлари бўйича комиссиянинг навбатдаги йиғилиши бўлиб ўтди. Ўзбекистон Республикаси Меҳнат ва аҳоли ижтимоий муҳофаза қилиш вазирлиги, Бош прокуратура ҳамда Соғлиқни сақлаш вазирлиги ҳамкорлигида ташкил этилган йиғилишда мазкур комиссиянинг 2012 йилга мўлжалланган иш режасининг бажарилиши муҳокама қилинди.

● Андижон вилояти Шаҳрихон туманидаги «And-chin invest» Ўзбекистон — Хитой қўша корхонасида ишлаб чиқараётган сифатли пойабзаллар хорижга экспорт қилинмоқда. Корхонага хориждан замонавий дастгоҳлар келтириб ўрнатилган, ишлаб чиқариш самарадорлиги ошиб, натижада 40 дан зиёд янги иш ўринлари яратилди.



● АҚШдаги Аэрокосмик тадқиқотлар миллий агентлиги — НАСА «Драгон» хусусий самовий кемаси ва «Фалкон» ракетасининг парвозга шайлигини таъкидлаган ҳолда дастлабки саёҳат жорий йилнинг 7 октябрда Флорида штатидаги Канамерал кўрфазига амалга оширилиши ва 10 октябрда Халқаро космик станциясига етиб боришини маълум қилди.

● Европа комиссияси бундан икки йил олдин имзоланган халқаро келишув доирасида Халқаро валюта фонди ва Европа Иттифоқи томонидан Ирландияга ажратилган навбатдаги 85 миллиард евро миқдоридаги ёрдам пулини беришни маъқуллаб, мазкур маблағ мамлакатнинг давлат бюджетига қўшимча молиялаштириш ҳамда маҳаллий банклар сармоясини кўпайтиришга сарфланишини маълум қилди.

● Япониянинг Кинки университети олимлари тишлар учун сунъий эмал яратилганлигини эълон қилди. Микроскопик ушбу эмал плёнкасифат бўлиб, унинг қалинлиги 0,0004 миллиметрни ташкил этади. У табиий тишлар эмали минералларидан — гидроксипатитдан яратилган. Сунъий эмал тест синовларидан яхши ўтди. Шу боис, яна беш йиллардан кейин тишларни ҳимояловчи мазкур плёнка стоматологлар учун оммавий чиқарилиши мумкин.

● Сингапурда автомобиль пойғалари бўйича «Формула-1» чемпионатининг 14-босқичи ўтказилди. Ҳозирча пойғаларда Фернандо Алонсо («Феррари») 179 очко тўплаб биринчи ўринда бормоқда.

Олий Мажлис Қонунчилик палатасида

ДАВЛАТ БЮДЖЕТИНИНГ 2012 ЙИЛ БИРИНЧИ ЯРИМ ЙИЛЛИГИДАГИ ИЖРОСИ КЎРИБ ЧИҚИЛДИ

2012 йил 21 сентябрь кунини Ўзбекистон Республикаси Олий Мажлиси Қонунчилик палатасининг навбатдаги мажлиси бўлиб ўтди. Депутатлар Қонунчилик палатаси Кенгаши таклиф этган кун тартибининг тасдиқлагандан кейин Ўзбекистон Республикаси Давлат бюджетининг 2012 йил биринчи ярим йиллигидаги ижросига доир масалани кўриб чиқишга киришдилар.

Мажлисида таъкидландики, Ўзбекистон Республикаси Давлат бюджетининг 2012 йилнинг биринчи ярмида Олий Мажлиси маъқуллаган параметрларга мувофиқ, шунингдек, жорий йилнинг 19 январь кунини ҳукумат мажлисида Ўзбекистон Республикаси Президенти Ислон Каримов томонидан белгиланган Мамлакатни ижтимоий-иқтисодий ривож-

лантиришнинг 2012 йилга мўлжалланган дастуридаги энг муҳим устуворликларни аниқ мақсадни қўлаган ҳолда амалга ошириш туфайли ижро этилди. Қўрилган чора-тадбирлар натижасида иқтисодиётнинг барча соҳаларида ўсишнинг юқори суръатлари таъминланди, ЯИМ ўсиши 8,1 фоизни ташкил этди. (Давоми 2-бетда)

Самарқандда 19-20 сентябрь кунлари «Сайлов тизимини демократлаштириш масалалари: халқаро амалиёт ва Ўзбекистон таърибаси» мавзусида халқаро даражадаги сўхбат бўлиб ўтди. Таъбир Ўзбекистон Марказий сайлов комиссияси томонидан ЕХХТнинг Ўзбекистондаги лойиҳаларни мувофиқлаштирувчи офиси, Фридрих Эберт номидagi жамғармасининг (ГФР) мамлакатимиздаги ваколатхонаси ва Миллий демократик институтнинг (АҚШ) филиали билан ҳамкорликда ташкил этилди.

САЙЛОВ ТИЗИМИНИ ДЕМОКРАТЛАШТИРИШ — ДЕМОКРАТИЯНИНГ АСОСЙ МЕЗОНИ

Давра сўхбатда ЕХХТнинг Демократик институтлар ва инсон ҳуқуқлари бўйича бюроси, Германия, Жанубий Корея, АҚШ, Украина, Франция, Исроил, Япониядан экспертлар, Ўзбекистон Республикаси Олий Мажлиси Сенати аъзолари ва Қонунчилик палатаси депутатлари, Марказий ва вилоят сайлов комиссияларининг аъзолари, сиёсий партиялар, Ўзбекистон Экологик ҳаракати, Ўзбекистон Республикаси Президенти ҳузуридаги Амалдаги қонун ҳужжатлари мониторингини институт, Фуқаролик жамияти шаклланишини мониторинг қилиш мустақил институти вакиллари, сайлов ҳуқуқи соҳаси мутахассислари ва олимлар иштирок этди.

Истиқлол йилларида Президентимиз Ислон Каримов раҳнаомлигида ҳаётимизнинг барча жаҳаларида, шу жумладан, сайлов тизимида ҳам

кенг қўламли демократик ислохотлар амалга оширилгани таъкидланди. «Кучли давлатдан — кучли фуқаролик жамияти сари» тамойили асосида мамлакатимизни ривожлантиришнинг устувор йўналишлари, энг юксак демократик талаблар ва халқаро ҳуқуқ стандартларига мос миллий сайлов қонунчилиги шаклланди. Бундан ташқари, фуқароларнинг Ўзбекистон Республикаси Конституциясида мустақамлашган сайлов ҳуқуқларининг тўлиқ амалга оширилишини ишончли қафолатлайдиган сайлов қонунчилиги, шунингдек, фуқаролар ва сиёсий партияларнинг сайлов жараёнида эркин, фаол иштирок этиши учун барча зарур ташкилий-ҳуқуқий ҳамда моддий-техник шароитлар яратилди. (Давоми 2-бетда)

